

Go šetše dibeke tše tharo fela go faela ka mokgwa wa elektroniki bakeng sa balefela motšhelo ka noši bao e sego ba sebakanyana

Pretoria, 13 Nofemere 2019 – Setlha sa motšhelo bakeng sa balefela motšhelo bao ba nyakago go faela lekaleng se tswaletšwe ka la 31 Oktobore 2019. SARS e rata go leboga balefela motšhelo bakeng sa dithomelo tša bona go fihla gabjale gape e hlohleletšwa ke dipušetšo tša motšhelo wa letseno la mong tše 3 882 111 tše di faetšwego ka platforomo ya titšitale gape le ka lekaleng. Dipušetšo tše di ama dithomelo tša bobedi lenyaga le mengwaga ya go feta.

Go faela pušetšo ya motšhelo go diplatfomo dife goba dife tša titšitale, e lego, SARS MobiApp le eFiling bakeng sa balefela motšhelo bao e sego ba sebakanyana go tlo tswalelwa ka 04 Disemere. Se se fa balefela motšhelo bao ba faelago ka mokgwa wa elektroniki sebaka sa dibeke tše tharo tša go faela. Balefela motšhelo ba sebakanyana ba na le sebaka sa go fihlela ka 31 Janaware go faela go eFiling.

Ka ge go faela ka titšitale go sa hwetšagala, SARS e holofela tekanyetšo ya 1 744 535 go tloga ka la 8 Nofemere 2019 ya dipušetšo tše di šaletšego morago tše di sa tlogo romelwa ka dikanale tše. SARS e rata go gopotša balefela motšhelo bao ba sa tlogo go faela, gore Setlha sa Motšhelo bakeng sa 2019 se akanyeditšwe go nolofatša go faela pušetšo ya motšhelo.

Balefela motšhelo ba kgopelwa go diriša sebaka le thekgo yeo e hwetšagalago pele ga 04 Disemere, le senthara ya kgokaganyo yeo e šomago magareng ga 08:00 le 18:00 ka 25 – 29 Nofemere, le magareng ga 08:00 le 13:00 ka Mokibelo, 30 Nofemere.

Ge sebaka sa go faela ka elektroniki sa go katološwa se sa dirišwe, dikotlo tša taolo di tla lefišwa kgwedi ka kgwedi ya tšhalelo morago. Go se faele ga dipušetšo ke tlole ya molao.

Balefela motšhelo bao a nago le dipušetšo tša go šalela morago ba ka taonelouta SARS MobiApp go tšwa ka *Playstore* goba *Appstore* gomme ba ka dira dikgato tše di latelago gabonolo:

1. Ngwadiša bakeng sa SARS eFiling,
2. Romela pušetšo ya motšhelo,
3. Diriša founu ya khamera go louta ditokumente tša thekgo,
4. Go utulla *username* goba go seta gape *password* le
5. Lebelela Ditsebišo tša Kelo (ITA34), magareng ga ditirelo tše dingwe
6. Dira kgopelo ya call-back go hwetša thušo go agente ya motšhelo ya SARS.

SARS gape e dirile tsošološo e kgolo go eFiling go dira gore tirišo e be bonolo le go kgona go faela go tloga lefelong lefe goba lefe.

Balefela motšhelo bao ba fihlelelago dikheraetheria ka moka tše di latelago ga ba hloke go romela pušetšo:

1. Palomoka ya bona ya letseno la mošomong la ngwaga pele ga motšhelo ga e fete R500 000
2. Ba amogela fela letseno la mošomo go tšwa go MONGMOŠMO O TEE bakeng sa ngwaga ka botlalo wa motšhelo
3. Ga ba na mokgwa o mongwe wa LETSENO (mohlala putsetšo ya koloi, letseno la kgwebo, le letseno la rente, tswala ya go tšhelelwa goba letseno go tšwa go mošomo o mongwe)
4. Ga ba na putseletšo enngwe ya tlaleletšo ya go tšhelelwa ya go nyalelana le dikgogelo tše di ka kleingwago (mohlala, ditshenyagelo tša kalafi, dikabelo tša go rola modiro le ditshenyagelo tša maeto).

Ge molefela motšhelo a ka etela lekala ka potšišo ya go faela pušetšo ya motšhelo wa mong, o tla thušwa ka go faela ka mong ka MobiApp goba ka diplatformo tša eFiling. Balefela motšhelo ba di-smartphone ba tla kgopelwa go taonelouta SARS MobiApp pele ga ge ba thoma go faela.